



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/05-14-23151-1/19
Sarajevo, 10.06.2019. godine

Na osnovu člana 8. stav (6) Zakona o naučnoistraživačkoj djelatnosti („Službene novine Kantona Sarajevo“, broj: 26/16) i Odluke Vlade Kantona Sarajevo o utvrđivanju namjene, kriterija i načina raspodjele sredstava za podršku naučnoistraživačkoj djelatnosti na području Kantona Sarajevo iz Budžeta Kantona Sarajevo za 2019. godinu, broj: 02-05-22216-16/19 od 30.05.2019. godine i broj: 02-05-22845-16/19 od 06.06.2019. godine, Ministarstvo za obrazovanje, nauku i mlade Kantona Sarajevo objavljuje

**Javni poziv za sufinansiranje programa nauke
iz Budžeta Kantona Sarajevo za 2019. godinu**

U Budžeta Kantona Sarajevo za 2019. godinu osigurana su sredstva u iznosu od 2.800.000,00 KM u svrhu podrške programima nauke na području Kantona Sarajevo.

PROGRAM 1.

Sufinansiranje naučnoistraživačkih/umjetničkoistraživačkih i istraživačkorazvojnih projekata od posebnog interesa za Kanton Sarajevo

Osigurana sredstva: 1.900.000,00 KM

Maksimalan iznos sredstava koji se može dodijeliti za sufinansiranje jednog projekta: 100.000,00 KM.

Opća mjerila vrednovanja projektnih prijedloga:

- 1) doprinos projekta ostvarenju strateških ciljeva definisanih Strategijom razvoja Kantona Sarajevo;
- 2) naučni/umjetnički kvalitet i važnost istraživanja;
- 3) utjecaj na daljnji razvoj područja istraživanja i praktična primjenjivost;
- 4) međunarodna/nacionalna kompetitivnost istraživanja;
- 5) kompetencije, kvalifikacije i dosadašnje iskustvo voditelja projekta i članova tima;
- 6) kvalitet projektnog prijedloga;
- 7) kvalitet naučne/umjetničke infrastrukture potrebne za realizaciju projekta;
- 8) adekvatnost i opravdanost finansijskog plana;
- 9) razvijanje institucionalne i vaninstitucionalne saradnje i partnerstva.



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



Realizacija projekta mora započeti u 2019. godini.

Pravo učešća imaju pravna lica koja:

- su registrovana za obavljanje naučnoistraživačke/umjetničkoistraživačke djelatnosti na bilo kojem nivou vlasti u BiH, a koja imaju sjedište na području Kantona Sarajevo,
- raspolažu naučnoistraživačkim/umjetničkoistraživačkim/istraživačkorazvojnim kadrom, infrastrukturom i osnovnom opremom koja omogućava realizaciju planiranog projekta i postizanje postavljenih projektnih ciljeva.

Kriteriji za voditelja projekta/tim:

- 1) da je voditelj projekta državljanin Bosne i Hercegovine i da je u radnom odnosu ili angažovan duže od jedne godine u ustanovi koja ima sjedište na području Kantona Sarajevo;
- 2) da je voditelj projekta naučni radnik sa stepenom doktora nauka iz oblasti u koju spada projekat, koji ima najmanje dva objavljena rada u posljednjih pet godina u časopisima indeksiranim u Web of Science-Core Collection bazi podataka odgovarajuće kvartile (Q1-Q4), odnosno minimalno pet takvih objavljenih radova bez vremenskog ograničenja (Current Contents) u dosadašnjem istraživanju;
- 3) da je voditelj projekta iz oblasti humanističkih nauka naučni radnik sa stepenom doktora nauka iz oblasti u koju spada projekat, koji ima najmanje dva objavljena rada u posljednjih pet godina u časopisima indeksiranim u naučnim bazama podataka MLA, EBSCO ili SCOPUS, odnosno minimalno pet takvih objavljenih radova bez vremenskog ograničenja;
- 4) da voditelj projekta iz oblasti umjetnosti posjeduje najmanje stepen magistra umjetnosti i najmanje tri projekta iz oblasti umjetnosti (izložbe, koncerti, pozorišne predstave i filmovi) od izuzetnog društvenog značaja koji su realizirani u posljednjih 5 godina;
- 5) u svojstvu voditelja projekta može biti angažovan član Akademije nauka i umjetnosti Bosne i Hercegovine i profesor emeritus, a penzionisani naučni radnik može biti angažovan u svojstvu člana tima ili konsultanta odnosno vanjskog saradnika;
- 6) lica koja u svojstvu voditelja projekta nisu uspješno završila projekat i/ili opravdala dodijeljena sredstva od strane ministarstava Kantona Sarajevo, Federacije BiH i BiH po prethodno objavljenim javnim pozivima u 2018. godini, a bili su u obavezi to učiniti, ne mogu ostvariti pravo na sufinansiranje po ovom javnom pozivu;
- 7) da naučnoistraživački/umjetničkoistraživački ili istraživačkorazvojni tim minimalno mora biti sastavljen od voditelja projekta, jednog saradnika i jednog istraživača;
- 8) da se kroz realizaciju projektnih aktivnosti planiraju ili već provode istraživanja čiji će krajnji rezultat biti sticanje naučnog stepena doktora nauka nekog od članova projektnog/istraživačkog tima.

Pravno lice koje aplicira na Program 1. obavezno je priložiti sljedeću dokumentaciju:

- 1) Obrazac NIP1.1-P1 Projektni prijedlog (potpisan od strane rukovodioca pravnog lica i ovjeren pečatom pravnog lica);
- 2) Obrazac NIP1.2-P2 Administrativni podaci (potpisan od strane rukovodioca pravnog lica i ovjeren pečatom pravnog lica);
- 3) Obrazac NIP1.3.-P3 Izjava da pravno lice raspolaže naučnoistraživačkim/umjetničkoistraživačkim/istraživačkorazvojnim kadrom, infrastrukturom i osnovnom opremom koja omogućava realizaciju planiranog projekta i postizanje postavljenih projektnih ciljeva (potpisana od strane rukovodioca pravnog lica i ovjerena pečatom pravnog lica);



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



- 4) Rješenje o registraciji (fotokopija ovjerena od strane nadležne općinske službe, ne starija od šest mjeseci);
- 5) Rješenje o poreznoj registraciji – ID broj (fotokopija ovjerena od strane nadležne općinske službe, ne starija od šest mjeseci);
- 6) Za voditelja projekta:
 - a) uvjerenje o državljanstvu (fotokopija ovjerena od strane nadležne općinske službe, ne starija od šest mjeseci),
 - b) diploma o stečenom zvanju doktora nauka iz oblasti u koju spada projekat odnosno diploma o stečenom zvanju magistra umjetnosti za voditelja projekta iz oblasti umjetnosti (fotokopija ovjerena od strane nadležne općinske službe, ne starija od šest mjeseci),
 - c) dokaz da voditelj projekta ima:
 - najmanje dva objavljena rada u posljednjih pet godina u časopisima indeksiranim u Web of Science-Core Collection bazi podataka odgovarajuće kvartile (Q1-Q4), odnosno minimalno pet takvih objavljenih radova bez vremenskog ograničenja (Current Contents) u dosadašnjem istraživanju (što se dokazuje izjavom voditelja projekta, ovjerenom od strane nadležne općinske službe i dostavljanjem liste publikacija);
 - najmanje dva objavljena rada u posljednjih pet godina u časopisima indeksiranim u naučnim bazama podataka MLA, EBSCO ili SCOPUS, odnosno minimalno pet takvih objavljenih radova bez vremenskog ograničenja - za voditelja projekta iz oblasti humanističkih nauka (što se dokazuje izjavom voditelja projekta, ovjerenom od strane nadležne općinske službe i dostavljanjem liste publikacija);
 - najmanje tri projekta iz oblasti umjetnosti (izložbe, koncerti, pozorišne predstave i filmovi) od izuzetnog društvenog značaja koji su realizirani u posljednjih 5 godina - za voditelja projekta iz oblasti umjetnosti (što se dokazuje izjavom voditelja projekta, ovjerenom od strane nadležne općinske službe);
- 7) Izjava voditelja projekta da su za projekat/projekte po javnim pozivima za 2018. godinu ministarstava Kantona Sarajevo, Federacije BiH i BiH opravdana dodijeljena sredstva (izjava ovjerena od strane nadležne općinske službe). Ukoliko voditelj projekta nije u svojstvu voditelja projekta realizirao projekat/projekte u 2018. godini i/ili takav projekat nije (su)finansiran od ministarstava Kantona Sarajevo, Federacije BiH i BiH potrebno je da dostavi izjavu da nije bio angažovan u svojstvu voditelja projekta na realizaciji projekata (izjava ovjerena od strane nadležne općinske službe).
- 8) Dokaz da se kroz realizaciju projektnih aktivnosti planiraju ili već provode istraživanja čiji će krajnji rezultat biti sticanje naučnog stepena doktora nauka nekog od članova projektnog/istraživačkog tima (što se dokazuje izjavom voditelja projekta, ovjerenom od strane nadležne općinske službe);
- 9) Biografija i bibliografija za voditelja projekta i sve članove tima (CV Europass).

Isti projektni tim (isti voditelj projekta, istraživač i saradnik) može ostvariti pravo na sufinansiranje samo jednog projekta.

Komisija koju imenuje Ministarstvo za obrazovanje, nauku i mlade za evaluaciju pristiglih aplikacija/prijava, ovlaštena je da u postupku vrednovanja pristiglih prijava/aplikacija, pored utvrđivanja njihove blagovremenosti, potpunosti i urednosti, ocjenjuje i



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



naučnoistraživački/umjetničkoistraživački i istraživačkorazvojni potencijal te društvenu relevantnost projekta i u skladu s tim vrši bodovanje projekta.

U postupku vrednovanja projekta, Komisija je ovlaštena utvrditi objektivna i provjerljiva mjerila na osnovu kojih se stiče minimalan broj bodova koji je neophodan za sufinansiranje naučnoistraživačkog/umjetničkoistraživačkog i istraživačkorazvojnog projekata.

Projekat koji ispunjava formalno-pravne uslove, a ne bude vrednovan minimalnim brojem bodova neće biti sufinansiran.

PROGRAM 2.

Podrška autorima/koautorima naučnih radova objavljenih ili prihvaćenih za objavu u Woss-CC (Web of Science-Core Collection) bazi podataka ili bazama MLA, EBSCO ili SCOPUS za oblast humanističkih nauka

Osigurana sredstava: 100.000,00 KM

Kriteriji za sufinansiranje:

- 1) da je autor/koautor državljanin BiH i da je u radnom odnosu na visokoškolskoj ustanovi na području Kantona Sarajevo;
- 2) da je rad objavljen ili prihvaćen za objavljivanje u periodu od zatvaranja javnog poziva Ministarstva za obrazovanje, nauku i mlade u 2018. godini za ove namjene pa do isteka roka za predaju prijava po ovom javnom pozivu i da nije sufinansiran po javnom pozivu Ministarstva za obrazovanje, nauku i mlade u 2018. godini;
- 3) da je časopis u kojem se rad objavljuje svrstan u kategoriju Q1-Q4 po JCR-u (Journal Citation Reports);
- 4) da je časopis u kojem se rad objavljuje svrstan u baze podataka MLA, EBSCO ili SCOPUS za oblast humanističkih nauka;
- 5) objava naučnog rada po ovom javnom pozivu se sufinansira jedinstveno, bez obzira na broj autora/koautora;
- 6) ukoliko naučni rad ima više autora, isti mogu aplicirati zajednički ili jedan autor u ime ostalih autora. Jedan autor može ostvariti pravo na sufinansiranje za najviše dva naučna rada.

Komisija za razmatranje aplikacija koju imenuje Ministarstvo za obrazovanje, nauku i mlade će utvrditi precizne i transparentne kriterije za rangiranje naučnih radova vodeći računa o njihovoj kategorizaciji Q1-Q4 po JCR-u (Journal Citation Reports);

Kandidati koji apliciraju na Program 2. obavezni su priložiti sljedeću dokumentaciju:

- 1) Prijavni obrazac (Obrazac NR-P2);
- 2) Uvjerenje o državljanstvu (original ili fotokopija ovjerena od strane nadležne općinske službe, ne starija od šest mjeseci);
- 3) Dokaz da je autor/koautor u radnom odnosu na visokoškolskoj ustanovi na području Kantona Sarajevo;
- 4) Dokaz da je rad objavljen ili prihvaćen za objavljivanje u periodu od zatvaranja javnog poziva Ministarstva za obrazovanje, nauku i mlade u 2018. godini za ove namjene pa do isteka roka za predaju prijava po ovom javnom pozivu;



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



- 5) Dokaz da je časopis u kojem se rad objavljuje svrstan u kategoriju Q1-Q4 po JCR-u (Journal Citation Reports) ili dokaz da je časopis u kojem se rad objavljuje svrstan u baze podataka MLA, EBSCO ili SCOPUS za oblast humanističkih nauka;
- 6) Izjava autora kojom potvrđuju da su saglasni da jedan autor aplicira u ime svih autora (ukoliko naučni rad ima više autora i ukoliko jedan autor aplicira u ime ostalih autora) - izjava ovjerena od strane nadležne općinske službe.

Dokaz da rad nije sufinansiran po javnom pozivu Ministarstva za obrazovanje, nauku i mlade u 2018. godini pribavlja Ministarstvo po službenoj dužnosti.

PROGRAM 3.

Sufinansiranje izdavanja naučnih časopisa u 2019. godini

Osigurana sredstava: 100.000,00 KM

Kriteriji za sufinansiranje:

- 1) da ustanova/institucija/organizacija koja izdaje časopis ima sjedište na području Kantona Sarajevo;
- 2) da je časopis na spisku neke od citatnih baza podataka za naučne časopise;
- 3) da je glavni urednik naučnog časopisa državljanin Bosne i Hercegovine;
- 4) da časopis izlazi minimalno jedanput godišnje u posljednje tri godine.

Ustanova/institucija/organizacija koja aplicira na Program 3. obavezna je priložiti sljedeću dokumentaciju:

- 1) Prijavni obrazac (Obrazac NC-P3);
- 2) Rješenje o registraciji ustanove/organizacije/institucije (fotokopija ovjerena od strane nadležne općinske službe, ne starija od šest mjeseci);
- 3) Rješenje o poreznoj registraciji – ID broj (fotokopija ovjerena od strane nadležne općinske službe, ne starija od šest mjeseci);
- 4) Dokaz da je časopis na spisku neke od citatnih baza podataka za naučne časopise;
- 5) Uvjerenje o državljanstvu za glavnog urednika (fotokopija ovjerena od strane nadležne općinske službe, ne starija od šest mjeseci);
- 6) Dokaz da časopis izlazi minimalno jedanput godišnje u posljednje tri godine (izjava glavnog urednika, ovjerena kod nadležne općinske službe);
- 7) Primjerci časopisa koji su objavljeni u 2018. godini;
- 8) Račun za štampanje posljednjeg objavljenog broja naučnog časopisa.

PROGRAM 4.

Sufinansiranje troškova kotizacije na relevantnim internacionalnim naučnim konferencijama u 2019. godini

Kriteriji za sufinansiranje:

- 1) da je autor naučnog rada državljanin BiH i da je u radnom odnosu na visokoškolskoj ustanovi na području Kantona Sarajevu;



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



- 2) da je naučni rad prihvaćen na relevantnim internacionalnim naučnim konferencijama u 2019. godini i da će autor izlagati/prezentovati naučni rad na toj konferenciji.

Lica koja apliciraju na Program 4. obavezna su priložiti sljedeću dokumentaciju:

- 1) Prijavni obrazac (Obrazac K-P4);
- 2) Uvjerenje o državljanstvu (fotokopija ovjerena od strane nadležne općinske službe, ne starija od šest mjeseci);
- 3) Dokaz da je autor u radnom odnosu na visokoškolskoj ustanovi na području Kantona Sarajevu;
- 4) Dokaz da je da je naučni rad prihvaćen na relevantnim internacionalnim naučnim konferencijama u 2019. godini i da će autor izlagati/prezentovati naučni rad na toj konferenciji;
- 5) Podaci o konferenciji;
- 6) Dokaz o visini kotizacije na relevantnim internacionalnim naučnim konferencijama u 2019. godini.

PROGRAM 5.

Sufinansiranje organizovanja naučnih skupova na području Kantona Sarajevu u 2019. godini čiji radovi su indeksirani u referentnim citatnim naučnim bazama za određeno područje istraživanja

Osigurana sredstava: 100.000,00 KM

Kriteriji za sufinansiranje:

- 1) da je organizator pravno lice registrovano za obavljanje naučne djelatnosti na bilo kojem nivou vlasti u Bosni i Hercegovini;
- 2) da organizator ima sjedište na području Kantona Sarajevu;
- 3) da je organizator obezbijedio najmanje 20% novčanih sredstava potrebnih za organizaciju naučnog skupa shodno finansijskom planu;
- 4) da je naučni skup organizovan ili se organizuje na području Kantona Sarajevu u 2019. godini;
- 5) da će objavljeni radovi odnosno zbornik radova biti uključeni u neku citatnu naučnu bazu podataka.

Pravna lica koja apliciraju na Program 5. obavezna su priložiti sljedeću dokumentaciju:

- 1) Prijavni obrazac (Obrazac NS-P5);
- 7) Rješenje o registraciji pravnog lica (fotokopija ovjerena od strane nadležne općinske službe, ne starija od šest mjeseci);
- 8) Rješenje o poreznoj registraciji – ID broj (fotokopija ovjerena od strane nadležne općinske službe, ne starija od šest mjeseci);
- 2) Podaci o naučnom skupu: naziv, mjesto i datum održavanja, broj učesnika, trajanje naučnog skupa, uz obrazloženje);
- 3) Finansijski plan sa potpunom specifikacijom troškova za organizaciju naučnog skupa (potpisan od strane rukovodioca pravnog lica i ovjeren pečatom pravnog lica);



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



- 4) Dokaz/izjava odgovornog lica za zastupanje u pravnom prometu (rukovodioca pravnog lica) da je osigurano najmanje 20% novčanih sredstava potrebnih za organizaciju naučnog skupa shodno finansijskom planu (potpisan/a od strane rukovodioca pravnog lica i ovjeren/a pečatom pravnog lica)
- 5) Dokaz da će objavljeni radovi odnosno zbornik radova biti uključen u neku citatnu naučnu bazu podataka.

PROGRAM 6.

Sufinansiranje nabavke sofisticirane naučnoistraživačke opreme za organizacione jedinice Univerziteta u Sarajevu za 2019. godinu

Osigurana sredstava 400.000,00 KM

Kriteriji za sufinansiranje:

- 1) da je nabavka opreme neophodna za uspješnu realizaciju naučnoistraživačkog rada i istraživanja;
- 2) da je nabavka opreme neophodna za ostvarivanje saradnje sa privrednim sektorom;
- 3) korištenje opreme koja će se nabaviti u saradnji više organizacionih jedinica visokoškolske ustanove;
- 4) broj potencijalnih korisnika opreme;
- 5) trenutno stanje i starost postojeće opreme;
- 6) procenat osiguranih vlastitih sredstava za nabavku opreme.

Organizacione jedinice Univerziteta u Sarajevu koje apliciraju na Program 6. obavezne su priložiti sljedeću dokumentaciju:

- 1) Prijavni obrazac (Obrazac O-P6);
- 2) Dokaz da je nabavka opreme neophodna za uspješnu realizaciju naučnoistraživačkog rada i istraživanja;
- 3) Izjava potpisana od strane rukovodioca pravnog lica i ovjerena pečatom pravnog lica da je nabavka opreme neophodna za ostvarivanje saradnje sa privrednim sektorom;
- 4) Izjava potpisana od strane rukovodioca pravnog lica i ovjerena pečatom pravnog lica koja sadrži informaciju da li će oprema koja će se nabaviti biti korištena u saradnji više organizacionih jedinica visokoškolske ustanove uz obavezno navođenje broja potencijalnih korisnika opreme;
- 5) Predračun – visina sredstava potrebnih za nabavku opreme;
- 6) Dokaz o procjeni trenutnog stanja i starosti postojeće opreme ukoliko se radi o zamjeni opreme;
- 7) Dokaz o procentu osiguranih vlastitih sredstava za nabavku opreme.

PROGRAM 7.

Sufinansiranje pripreme i izrade aplikacija na EU-projekte kao i podršku realizaciji odobrenih EU-projekata u 2019. godini

Osigurana sredstava: 100.000,00 KM



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



Mogućnost apliciranja na Program 7. imaju registrovane naučnoistraživačke organizacije koje svojim radom daju doprinos razvoju nauke i inovacija na području Kantona Sarajevo (visokoškolske ustanove, naučnoistraživački instituti, Akademija nauka i umjetnosti BiH, fizička i pravna lica koja su uključena u istraživački rad kroz apliciranje i učešće u EU-projektima, pri čemu se fizičkom licu sredstva doznačavaju preko matične naučnoistraživačke institucije).

Kriteriji za sufinansiranje:

- 1) relevantnost projekta i njegov doprinos razvoju Kantona Sarajevo kroz realizaciju projektnih aktivnosti;
- 2) dosadašnje učešće aplikanta kao partnera ili grant holdera u realizaciji EU-projekata i uspješnost realizacije dosadašnjih projekata;
- 3) broj partnera iz EU-država koji su planirani da učestvuju u realizaciji projekta;
- 4) broj direktnih i indirektnih korisnika koji su obuhvaćeni projektom;
- 5) da je aplikant aplicirao na neki od poziva Evropske komisije (Horizon, COST, Interreg...), što se dokazuje ispisom iz sistema za slanje aplikacija, ili da je u fazi izrade aplikacije, za što je potrebno naknadno dostaviti potvrdu da je prijavljen projekat;
- 6) da je voditelj istraživačkog tima iz BiH u radnom odnosu na visokoškolskoj ustanovi odnosno naučnoistraživačkoj organizaciji na području Kantona Sarajevo;
- 7) ukoliko se za pripremu i realizaciju odobrenog EU projekta zahtijeva djelimično vlastito finansijsko učešće, dostaviti dokaz o procentu učešća, kao i potvrdu da je projekt odobren;
- 8) odobrena sredstva se mogu koristiti isključivo namjenski odnosno za pripremu i izradu projekta te realizaciju projekta koji je odobren.

Prilikom prijave na Program 7. aplikanti (visokoškolske ustanove, naučnoistraživački instituti, Akademija nauka i umjetnosti BiH, fizička i pravna lica koja su uključena u istraživački rad kroz apliciranje i učešće u EU-projektima) su obavezni priložiti sljedeću dokumentaciju:

- 1) Obrazac EU-P7 (potpisan od strane rukovodioca pravnog lica i ovjeren pečatom pravnog lica);
- 2) Dokaz da je aplikant aplicirao na neki od poziva Evropske komisije (Horizon, COST, Interreg...) što se dokazuje ispisom iz sistema za slanje aplikacija ili dokaz da je u fazi izrade aplikacije što se dokazuje izjavom voditelja istraživačkog tima iz BiH ovjerenom kod nadležne općinske službe, a za što je potrebno naknadno dostaviti potvrdu da je projekat prijavljen;
- 3) Dokaz o procentu učešća, kao i dokaz da je projekt odobren ukoliko se za pripremu i realizaciju odobrenog EU projekta zahtijeva djelimično vlastito finansijsko učešće;
- 4) Dokaz da je voditelj istraživačkog tima iz BiH u radnom odnosu na visokoškolskoj ustanovi odnosno naučnoistraživačkoj organizaciji na području Kantona Sarajevo;
- 5) Rješenje o registraciji (fotokopija ovjerena od strane nadležne općinske službe, ne starija od šest mjeseci);
- 6) Rješenje o poreznoj registraciji – ID broj (fotokopija ovjerena od strane nadležne općinske službe, ne starija od šest mjeseci).



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



Navedene prijavne obrasce za svaki program aplikanti mogu preuzeti sa internet stranice Ministarstva za obrazovanje, nauku i mlade Kantona Sarajevo (www.mon.ks.gov.ba) ili na Protokolu Kantona Sarajevo.

Javni poziv ostaje otvoren 30 dana od dana objave u dnevnom listu „Oslobodjenje“ i web stranici Ministarstva.

Komisija koju imenuje Ministarstvo, na internet stranici Ministarstva, objavit će preliminarnu listu dobitnika sredstava po svim programima u roku od 30 dana od dana zatvaranja Javnog poziva. U preliminarnim listama će biti naznačen rok za podnošenje prigovora.

Po okončanju roka za prigovor na preliminarnu listu, ministrica za obrazovanje, nauku i mlade donosi odluku sa konačnom rang listom dobitnika sredstava i utvrđenim iznosima za svakog dobitnika sredstava po ovom javnom pozivu. Na osnovu odluke sa konačnom rang listom dobitnika sredstava i utvrđenim iznosima za svakog dobitnika sredstava vršit će se isplata dodijeljenih sredstava. Obaveze dobitnika sredstava preciznije će biti definisane ugovorom sa Ministarstvom za obrazovanje, nauku i mlade.

Prijave sa traženom dokumentacijom dostaviti lično ili poštom na adresu:

**Ministarstvo za obrazovanje, nauku i mlade Kantona Sarajevo
ulica Reisa Džemaludina Čauševića 1**

**“Prijava na Javni poziv za sufinansiranje programa nauke
iz Budžeta Kantona Sarajevo za 2019. godinu”,**

UZ OBAVEZNU NAZNAKU PROGRAMA NA KOJI SE APLIKANT PRIJAVLJUJE
(Ne otvaraj – otvara Komisija)

Neblagovremene, nepotpune i neuredne prijave neće biti uzete u razmatranje. Terminološko korištenje muškog ili ženskog roda u ovom javnom pozivu podrazumijeva uključivanje oba roda.

Dodatne informacije: Sektor za visoko obrazovanje, nauku i mlade 033/562-186

MINISTRICA

Mr. Zineta Bogunić



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

